

青芝山館集

謝水詞卷一

臨川 樂 鈞 元

少拾香草頗昵么絃長而悔之每思焚棄意蕊才更惜風
間飛同調縱與謂非乖雅興惜同向增製日夥如刀斷水
斯之謂矣鈔撮成帙取以爲名泛涉淺嘗要非所解蓮裳
居士識

疎影

以下乾隆癸卯至己酉

簷馬

銀冰碎裂只峭風乍拂都化寒鐵訝是金鈴搖近花邊不似
者般淒切前生記打梅花磬尚嫋嫋餘音將歇更夢中一片
玲瓏恍聽玉人環珞偏是廊空院靜被伊猛賺得心緒千
結戰騎宵鳴征勒晨嘶怎怪愁人愁絕紅樓一角誰家住也

一
樣丁東嗚咽總讓他塢語分明喚醒暮煙殘月

風馬兒 三首

戲調友人

一聲簾押響空堂把笑也分張愁也分張但早片時猶自在
前廊剛剛 無人時候立花旁便遠也無妨近也無妨奈有
侍兒來送紫香囊將將

那回轉出繡屏風看衣也猩紅襪也猩紅行近人前又轉入
簾中恁恁 一般心膽怯惺忪怕花也羞儂鳥也羞儂只有
夢魂到處儘從容空空

初時相見尚了頭但朝也藏鉤暮也藏鉤只道只知憨笑不
知愁不不 如今欲見更無由似河也分流漢也分流未必
橋邊織女憶牽牛休休

倦尋芳

題采蓮圖

鏡天蕩影簫路流歌人度深柳綠蓋紅衣低映翠釵羅袖珠
佩晶晶搖不定玉肌靡靡香應透笑相逢是蘭姨惠姊隔船
招手念無數蓮花蓮葉蓮子蓮心蓮蒂蓮藕意苦思長狂
蝶野鴛知否且去休妨南海睡重來又恐西湖瘦奈情何悵
年年斷腸依舊

一剪梅

拌去流光不忍看日似金丸月似金盤柳條拖水綠漫漫郎
住長安妾住長干眉鎖春愁放不寬生怕春寒又怕春殘
偶來鴛夢得團圓一夜心歡幾夜心酸

齊天樂

玉人漸解眉梢語，剛才十三年。紀嫩綠鋪愁，新紅繡影記得。
池闌同倚，凝迷燕子，甚剪破簾波，啄殘香字。別卻珠樓謝伊。
常到夢魂裏。如今雲鬢更膩，自來曾見慣，爭用迴避金葉。
偷窺銀魚暗喻，應憶當年情事，蕭郎易死，漫倚竹傳聲，隔花
彈淚。兩扇窗兒，甚時還半啓。

菩薩蠻

西家蛺蝶東家燕，絳桃花裏迷茫見。曉起自鉤簾，春寒凍指
尖。廉纖針樣雨，吹上屏風去。屏上畫仙姝，仙裙溼也無。

滿江紅

擬峴臺秋望

雨歇天高，一千里碧山紅樹。城牆下水光磨鏡，照人心腑。雁
背風吹銀箭落，魚鱗雲帶朱旗舞。訝龍銅一片晚雷聲，譙門

敢 臺上客會懷古懷古客今何處但估帆魚艇時來時去
醉後登高疑幻化愁中望遠如羈旅感襄陽太傅對中郎傷
心語

阮郎歸

畫長花落小樓陰簾波日影沈闌干曲曲徑深深教人何處
尋 經繡戶聽瑤琴關心直到今如今已分不關心愁來爭
自禁

三字令

牽繡箔倚雲屏太娉婷鴛袖廣燕釵輕乍回眸還顧影怎無
情 風未起日猶明雨扉扃花寂寂草青青曲闌邊歸鳥過
響金鈴

眼兒媚

晚燕

烏衣第宅鎖煙霞，刺促向誰家。
紅迷樓榭，錦垂簾帶，綠暗窗紗。
營巢自有香泥在，未肯寄檐牙。
影藏桃葉，情飄柳絮，夢冷梨花。

探春

針

麥穗輪尖蘭芽讓瘦，怪底鋒鋞纖小。
九孔玲瓏，寸光明滅，賺得秋波斜照。
幾度拈難穩，已漏入麻姑長爪。
倚窗閒數花鬢，誤認蜂兒拖倒。
最是靈芸擅巧，向淡月昏燈，絲絲穿了。
繡出鴛鴦刺，成鸞鳳誰識秋豪神妙。
鈍杵磨來，久空十指，如椎堪笑。
爭似兒童，猶解敲鉤垂釣。

前調

線

繡譜花縈金牀雲委盡是紅蠶絲股刺綺成紋縫羅揀色寸
寸煩他紅女乞得天孫巧又引出深閨情緒漫將日影閒量
恐有山龍須補歎息貧娥獨處作待嫁衣裳爲人辛苦隔
幔低牽封紗緊繫締就良緣無數唾去殘絨好勝拆韞條條
如許聊理箏絃聽唱秋孌金縷

前調

剪

燕尾雙叉蛟眉互紐巧出井州形製重壓瑤筐輕旋鐵鉸開
合都隨纖指判碧分紅處比二月春風尖利只應無奈情何
難斷吳淞流水浪說裁雲妙技也滿手繁蕪一腔纖碎宋
殿銀幡隋宮綵樹枉費幾人心事夜對西窗燭止不住桂膏

成淚獨鶴籠中反被摧殘霜翅

前調

尺

平截紅牙燦填金粟較定豪釐分寸蜀錦橫鋪吳綾細熨寬
窄短長休問漫說裁縫巧怎離得線彈輕粉但教玉指重圍
倒有些兒憑準原是黃鍾爲本甚漢異周同幾番增損碧
海千尋丹崖萬丈臆度終應難信哲匠操何物把幾許人才
量盡惜取光陰那管城南天近

菩薩蠻

門前溪水悽鳴玉人家十里隨溪曲曲到畫樓邊樓中人正
眠幾回牽短夢報與春寒重長是替伊愁伊曾替我不

前調

柳顰花笑誰能遣春愁
衡與春深淺燕子等閒
簾紅掩雙尾尖
濛濛輕霧入手
握香氈濕明日是清明
與誰同踏青

滿江紅

章門覽古

倚劍秋城斜陽外古蹤都杳
論形勝楚腰吳脊
粵襟閩抱漢將勛
名收晚末唐家寇
竊爭昏曉歎明藩
更作檻中羊籠中鳥
西山石峯巒峭東湖水煙波渺
羨神仙隱逸異時同調
一路樵風吹錦樹
幾星漁火明紅蓼
念平生何事比前人空
長嘯

雙頭蓮令

棟花時節雨滂沱
溝水漾微波送春無路
奈春何愁比落紅多
玉篴新蘭破蠶蛾珍重
莫相過鷓鴣傳語得知
麼行不

得哥哥

醉花陰

葱白衣裳雲碧袖蝴蝶雙雙繡身似玉釵纖不解相思卻又
因誰瘦海棠一萼紅初透恰受春風穀千萬莫開花試看
枝頭幾朵紅依舊

暗香

蕉影

嫩苔一色但綠天暗處都成煙墨亂卓翠旗疊疊重重映窗
格誰道芳心尚卷已通入錢郎詩筆記昨夜雨溜空階聲外
了無跡今夕更寥寂正淡月半規透光檐隙短牆又隔應
有愁人倚着石憑仗維摩畫取愁雪後模糊春碧問是誰
是醒有誰會得

惜紅衣

燈花

桂蕊叢抽蘭心半吐夜長春促乍落旋開紅情定誰屬幢幢
短談難照徹愁人心曲幽獨棋子漫敲但矇矓凝矚 螭盤
雁足歌舞人家千枝燦華屋鬪更向盡碎影各攢簇別有翠
樓思婦心事向伊潛卜甚暗蛾飛到飄墮玉蟲金粟

百宜嬌

以下庚戌

春日西湖花神廟

各現雲姿對凝霞想玉女青童嬌小妬被封姨謫經王母依
舊年年年少東皇眷屬正未許韶華催老到如今遊戲人間
彩雲猶自縈繞 闌檻外紅隨綠渺何故任飄零不關懷抱
燕約鶯期蝶團蜂陣無數情魔牽擾空香幻影太賺得癡魂

顛倒想湖邊解佩歸來但拈花笑

賀新郎

生日對月獨飲

七月初三夜正多情彎彎月子悄窺窗罅二十四秋如彈指
又早風梧落乍記每歲今宵燈下碧玉花瓷紅玉酒有旁人
替我殷勤瀉今此酒對誰把 明河一抹天如畫認紛紛青
鸞銜紙紫鸞驂駕故國他鄉何分別恨少雲車風馬算只合
高歌聊且便欲寄愁天上去料嫦娥亦是傷心者離別淚恐
同灑

瑤臺聚八仙

碧草油油秋到也蟲聲昨夜啾啾曉來方睡風響又早颼颼
梧葉飄將離合夢柳絲繡出短長愁甚緣由白來便爾何況

平沙萬里燕南趙北問故鄉近遠楚尾吳頭九曲黃河還
隨九派江流未知春水再長可容得歸人破浪舟傷心曲借
玉琴譜定寄與妝樓

臨江仙

以下辛亥

題寒鴉古木圖

白草煙寒紅葉盡西風黯淡吹光楚烏如墨點昏黃紛紛迎
冷月啞啞送斜陽鏡裏秋娘雙鬢綠學渠巧樣梳妝春心
繡出滿衣裳紫蘭飛蛺蝶紅藕宿鴛鴦

點絳脣

欲罷歸來素娥懸出天邊鏡院空廊靜人似薔薇影抱被
橫眠認作闌干凭香蘿徑翠消紅冷花落人應病

蝶戀花

簾外廊腰才幾步手拍闌干踏盡天涯路明月西頭凝望處
行過明月東邊去蟋蟀鳴階鴉繞樹欲入孤帷顧影還延
佇玉漏頻催天不曙聲聲點點成風露

瑣窗寒

都門雪夜

鐵馬禁嘶銅龍斷瀉滿庭燕雪前番較可不似者番寒徹畫
爐灰微吟漫歌硯池已是元冰結更松醪似水蘭缸無燄布
衾成鐵愁絕憑誰說欺一片冬心冷於霜月梁園樹老數
點寒鴉棲屑莽迢迢天末故鄉凍雲千里無寸裂記年時鹿
眼籬邊正有梅花折

探春

以下壬子

宋雲璽儀曹座上咏白丁香花

雪碎猶凝雲團欲散瑤窗瓊樹低彈柔是香心弱爲情骨春
夢惺忪無那鶯燕丁寧久莫輕啓歲裝金鎖可憐百結芳愁
東風隨意猜破爲問詩人知麼是小玉嬌魂煙外吹墮屈
與添香煩教貼翠除是梅妃才可素面嫌脂粉怎禁得酒痕
輕澹最賺相思饒他紅豔千朶

行香子

正月元宵二月花朝好時光過得無聊香街繡戶紫陌紅橋
有燈千檠花千樹柳千條五里揚鑣十里停撓更誰家鼓
瑟吹簫芳春易盡仙侶難招歎事悠悠情脈脈夢迢迢

南浦

同羅兩峯布衣周載軒太史宋雲墅儀曹吳茗香
明經蘭雪上舍遊草橋迴香亭觀荷花早飯賣花

翁家已而痛飲柳樹下席蘆據石泊暮而歸雨漸
漸霑車帷矣分韻得韻字長短句

聯轡出城南謝輕風報與瑤宮花信逢著賣花翁拈花笑疑
是前生所認風裳水佩柳陰低送嬋娟影傾出眞珠紅一蓑
瀉入碧簫千柄今年已負春陽任桃濃李豔天涯飄盡今
日也恩恩顛狂處差賸往時標韻催歸細雨霎時洗落斜陽
暈蝴蝶鴛鴦都不見殘月照人初醒

西子妝

題仕女竹間對奕圖

爐篆煙疎簾紋水滑繡戶棗花簾動蘭姨蕙姊困天長借楸
枰破除香夢涼雲翠湧漸敲醒滿林青鳳費思量鎮似掠鬢
腳手循衣縫眉痕重一著爭差小語成嬌闕隔窗鸚鵡報

花開怕飛來局邊抓弄殘編悶擁羨兒女心靈猶用便笺觀
消得閒愁萬種

步蟾宮

題師啓堂姬人瑤臺望月圖

玉娥戲剪雲花裂悄放出一天明月青荷小樣自團藥照不
見眉梢低結檀郎底事輕離別要盼過桂花時節夜深香
露溼生衣正庭院風搖金雪

金縷曲

康龍山落京兆解往徐州覲親作此送之

歸夢凌風起願同君衝冰踏霧一鞭南指戲馬臺邊停馬處
路隔銅街千里今夜向誰家投止茆店酒醒回首望但蘆溝
冷月明如洗應念我獨留滯月來共灑悲秋淚對黃花持

蘇軾詩集卷一
整壁脯沽歌沈醉此後西窗銀燭黯誰與龍淵吐氣且約看
明春桃李倘過彭城煩買棹把離心先寄黃河水休再說往
時事

長亭怨慢

寄遠

自離別流丸飛箭兩聽寒蟬再逢新燕碧草黃雲夢中歸路
更遙遠鏡邊花外曾幾度尋來徧著眼未分明又不奈旅窗
風顫重見想朱愁粉瘦不似舊時人面晨煙暮雪翳斷了
故山千點只顛倒一領青衫那消得年年金線正日暮天寒
樓上垂簾休捲

柳梢青

以下癸丑

小小桃花縱然紅了知落誰家每日關心千卿何事自想眞

幾重雲霧窗紗更不奈紅牆半遮燕子飛來蜂兒飛去
各自天涯

鵲橋仙

花朝過了海棠楊柳十日尚無消息春工果肯爲花忙不信
是東風無力雨輕煙冷朝朝暮暮又早做成寒食今年揀
是不傷春奈樓上愁人吹笛

齊天樂

夕陽

人間第一愁時候薄暮碧雲芳草斷樹猶明遙山半醉人倚
樓闌心悄長庚見了漸牛背邨均馬蹄煙杪做出黃昏片霞
隱隱送歸鳥休驚少年易老問誰禁受得如此憑眺野渡
呼船寒壚聽笛更是愁伊相照無情便好任城上烏啼雨餘

蟬噪下卻簾鉤玉釭長夜曉

前調

殘月

素娥愁黛無人埽眉彎自描剛罷玉鏡奩收冰輪軸澀來到
人間淡夜星稀露下早香閉蝦簾翠寒鴛瓦悄映孤燈小窗
猶有未眠者誰家人又去也夢醒門正啓門外嘶馬暗樹
驚魂秋蕪貼影惻惻相看平野傷心漫寫更蟾魄無歸桂花
全謝畫角吹殘寺樓鐘又打

如夢令

二首

幾樹同栽香徑只有桃花薄命風動落銀牀吹入燕支露井
如鏡如鏡中有傾城片影

鳥語隔簾輕透訴說垂楊綠皺眉黛一般愁過了冶春時候

知否知否人比影兒還瘦

浪淘沙

七夕

謫限幾千年枉作神仙年年淚灑鵲橋邊不信天孫能擅巧
自誤良緣 負債惱青天無計還錢天教月缺怎生圓十萬
星娥都嫁否各自嬋娟

東風第一枝

以下甲寅

晚春登怡邸浩然閣南向凭闌悵悵有作

的的奇才明明好夢當年豪氣如許破除煙月閒愁小別薜
蘿舊侶催花埽葉太潦草春來秋去看幾多公子飄零大半
少年羈旅 風剪斷兔園夜雨煙暝徧鳳城春樹寄書曾託
燕鴻勸歸更煩杜宇山青雲白望不見開帆來處悵故園還

似蓬廬未許片時飛渡

滿庭芳

畫紫薇

綸閣仙郎玉堂詞客生來福分清華月明風細一幹幾叢花
道比芙蓉早放秋深矣尚映窗紗芳名好紅能百日端合讓
伊誇如今開罷了晨消絳雪暮散朱霞問生綃寫照見自
誰家顏色依然豔冶肌膚嫩一任搔爬真成錯關情妙處何
事畫來差

浪淘沙

以下嘉慶丙辰

小住碧城隈曲巷雲迴角門塵鎖不會開引路春風人乍到
踏碎莓苔睡眼暈紅腮廣袖弓鞋亭亭一樹柳新栽斜整
綠雲鬆未穩溜了金釵

南浦

章門南浦亭作時往粵東於此解纜

流水綠無情是古來消魂第一多處春色惱江郎秋時候還
引子安愁賦西山一帶柳淒花怨渾無主夕陽細雨剛風笛
吹殘各人歸去頻年書劍飄零向雁後分襟鷗邊問渡今
日又孤舟知前岸多少翠灣紅渚搖搖柁尾浪痕都是鄉關
路客心自苦空羨煞漁翁醉聽津鼓

蝶戀花

以下丁巳

絃索一聲人語悄水色雲光盡逐遊絲裊滿樹斜陽天不早
生生啼煞催歸鳥歸去定隨金爵倒醉亦難禁不醉尤煩
惱別院梨花都謝了夢中春恨知多少

減蘭

娟娟楚楚楊柳腰肢年十五怯怯生生又似無情又有情
花釵媚子前日上鬢隨阿姊學度新腔兩頰紅潮漲碧窗

柳梢青

以下戊午

碧天雲破蕊宮歌女被風吹墮一笑相逢三生略記片時同
坐重來應自分明怎尚把劉郎認左白蕩香中玉梅花下
不曾真箇

蝶戀花

時節乍寒還乍暖浪說看花花信無人管牆北牆南蝴蝶滿
花開花落青春短悔飲藍橋漿一椀一寸柔腸直做千回
斷桃葉桃根波際遠渡頭不敢高聲喚

浪淘沙

以下己未

歌罷酒顏紅船小江空仙仙衣袂惹輕風玉臂雲鬢波上影

明月當中 沙渚淡煙籠隔岸聞鐘流蘇羽帳夜香濃喚起
侍兒教澹茗燈隕釵蟲

人月圓

關心幾日黃梅雨新水漲河橋迷茫柳岸舟輕人瘦恐被風
飄 月明如此又偏無奈夢影迢迢劉郎前度卿須記取恰
是今宵

浪淘沙

水仙

小玉最玲瓏雪貌冰聰珊珊骨節佩搖風薄命可憐生水國
羅襪波中 明月浸珠宮寒透簾櫳瑤情一縷倩誰通悵望
湘妃來極浦寫入絲桐

鬲溪梅令

以下庚申

半江春水半江風落花紅幾處愁人酸淚寄花中一時流向東
淺斟低唱儘從容太恩恩記得銷魂橋畔繫青篷隔窗
飛柳絮

水龍吟

英德道中曉發北面諸山吐雲如海橫截峯尖船
頭小坐欣然命筆

夜來雨歇沙明滇陽峽湧銀蟾小夢涼酒醒星辰都落客船
開了石骨花攢峯腰練束雲容奇巧是何人擘絮半空遙露
河靈掌麻姑爪摹得誰家畫稿似元暉楚山清曉炎荒暑
路恁般佳趣能逢多少溼翠微乾濃光漸薄火輪飛到又關
蓬愁偃雙眸漆暗寸心苗稿

念奴嬌

以下辛酉

那回相見是鏡中樓閣花南煙水亞字闌干田字町芍藥妬
人姿媚欲去難禁欲畱未可影貼斜陽膩連船燈火霎時紅
霧千里誰料燕子盧家鸚哥鄭曲此處門庭是杏子單衫
蕉葉扇斜立茜羅窗裏黛綠疑攢櫻丹忽破卻問遊湖未蓮
花橋外白蓮當又開矣

驀山溪

武陽渡旅夜

荒洲古渡沙闊行人語蘆筆兩三枝寫不盡秋聲無數魚鱗
雲起曾記上歸船從此去別南浦又上南州路丹楓幾樹
隔岸迷煙霧猶認杏花開不道是斜陽紅處獨輪生角趁不
上前邨天已暮渡頭住一夜風和雨

金縷曲

以下壬戌

一兒三生業記虹橋水香雲嫩畫船迎接剪剪輕風飄苕帶
頃刻吹紅玉頰恁起坐都成嬌怯斜倚碧闌歌白紵破櫻唇
低振瑤笙葉聽未了恨千疊飛來一陣驚蝴蝶恣輕狂沾
紅惹翠亂侵宮簷何必淒淒連夜雨已是桃花小劫怎怪得
眞珠盈睫欲放鸚哥還隴樹愧青衫不似黃衫俠料恐是石
家妾

河傳

語香情軟記燈邊酒外私貽團扇誰料夜來道是再難相見
渡秋江蘭棹遠珠簾不爲遊絲捲一帶層樓誤盡尋巢燕
明歲嫩紅開向誰家庭院雨和風愁未免

金縷曲

景賢樓秋夜

月出梧桐夜聽西樓丁丁礫礫玉壺聲乍又是淒涼時候到
倚徧朱闌粉樹渾一種秋心難寫定有冷紅三四點被輕風
吹落苔甌罇和草露暗飄灑平生已分傷心怕更誰堪啼
顰未歇又嘶簷馬剪剔蘭煤知幾徧依舊朦朧半地是淚眼
麻茶相射歸夢不成眠不得悵關山但見明河瀉早過了漏
三下

念奴嬌

題汪飲泉秋隱庵填詞圖

客窗秋老但井梧籬菊冷閒相媚一管生花蘭蕊筆蘸取小
紅眉翠雁夜摹聲魚天繪色寫入宮商裏酒邊低唱有人時
醒時醉憐我滴粉名虛裁雲技拙短笛憑誰倚幾度垂楊
隄上望好片六朝山水冷月虹橋叢祠社鼓自古填詞地江

南江北費人多少才思

江亭怨

題飲泉萬石園圖

曲徑紅苔煙鎖深院綠梅風墮樓閣化斜陽愁絕蘭孫重過
今日秋風滯我三逕黃花開麼一片故園心更被寒蛩啼
破

瑣窗寒

竹柏樓居圖爲袁壽階作

日黯蒼筠煙消翠葉北堂春遠茹荼食蘗在日苦心誰見聽
秋聲夜深捲簾淚珠暗滴樓闌徧似脫雲片月叢階幽草戀
巢孤燕難遣孤兒恨記課讀催燈停機落剪春暉寸草示
我當年衣線倩丹青追寫舊居血痕漬滿鵝溪絹看圖中雪

節霜柯尚與西風戰

桃源憶故人

題壽階紅蕙卷

湘娥醉被瓊宮謫兩頰春痕猶赤待跨紫鸞無力風露都憐
惜丹脂粧粉爭塗飾誰似者般標格吹氣已堪傾國更占
桃花色

滿庭芳

以下癸亥

題單竹軒運判晚香圖

儉府敲紅隋堤裊綠可耐三日清霜幾家庭院蕭瑟曠斜陽
惟有疎花冷蕊西風裏漸漸吹香寒無那金英數點猶自向
人黃秋心憐晚節輕紈寫照老圃尋芳任枯叢蝶散高樹
蟬涼我亦東籬寂寞眼前事一醉都忘尋詩處寒水冷白

雁楚天長

喝火令

感秋

紅友添朝倦青奴伴夜涼
流螢點點衣裳最是者些時候
分外費周章
水已盈盈淺花都淡淡
香宜愁也
若要商量
試問隋堤幾樹綠垂楊
試問霍家池裏幾對紫鴛鴦

憶江南

雙調

咏閨人對月

迢迢夜片月伴焚香
浸得湘簾寒似水
又偷花影上東牕
隔
外卽他鄉
心中事
蛩語替商量
關角是儂常倚處
請君來
此對秋光看看可淒涼

斷水詞卷二

臨川 樂 鈞 元淑

滿江紅

以下甲子

題萬梅皋刺史丈歸帆圖

鐵甕城邊歸去也。石頭津上知一路。好山相送布帆無恙茂。
苑林香花萬點。嚴陵石碧雲千狀。記年時孤棹熟經過。江如
掌。明鏡裏推篷望。明月下拈豪想。讓詩翁消受水柔風壯。
野岸羣鷗尋舊約。高空一鶴流清響。盼鄉關幾度倚樓闌。潮
消長。

瑣窗寒

繡鳳圖

六曲銀屏三重翠。幙幾聲金剪。輕霞薄霧顏色較量深淺。唾

殘絨絲絲亂飄落花惹向風中轉
鎮繡筐拈簸無情無緒畫
長人倦 春院飛孤燕甚彩鳳雙棲彩雲一片新桐裊碧滿
樹枝條都轉念蕭郎何處倚樓玉簫冷落芳信遠問金針不
解穿愁底事愁如線

玉漏遲

天寒翠裏圖

竹邊人影膩雲添鬢綠煙含眉翠淺碧衣裳襯出淡紅雙袂
信是佳人絕代卻不似天寒愁倚風漸起侍兒報道玉郎歸
矣 別有薄命幽居但掩鏡傷魂罷琴指淚自惜紅顏脈脈
又還梳洗獨立黃昏過了有鸚哥呼人簾裏愁不寐禁他月
明千里

惜餘春慢

露冷苔乾酒溫花瘦併作斷魂時節輕羅掩扇薄絮裝衣天氣乍寒微熱斜照的是多情紅過黃昏等將明月奈金壺驟響催人歸去砌蛩初咽空記得柳葉纖眉櫻桃小吻更是聰明冰雪紅巾拂面翠裏凭肩一種暗情纏結如此風懷怎禁那待歌喉百迴千折再相逢一度爭得心腸似鐵

醉花陰

以下乙丑

南塘

額黃暈壓眉花翠照影南塘水誰信似今朝一片青篷雨雨風風裏只隔垂楊三四里容易思量起不見也消魂一桁紅簾挂在紅船尾

一剪梅

花朝沂州道中

小院春寒昨夜風燈也朦朧月也朦朧桃花一面背人紅來
也念念去也念念不似江南二月中愁也從容笑也從容
曉鶯啼煞舊簾櫳春也無蹤夢也無蹤

醉花陰

嫩綠嬌黃三兩樹似是逢人處風起便黃昏一縷愁絲飄入
濛濛雨尋春自是來時誤馬踏殘泥路夢裏枉分明行過
庭心轉過廊腰去

百字令

德州道中和劉芙初題壁

春城躍馬正河橋雨歇晴雲初曉行到行人懷舊處消受鳥
啼花笑獵獵斜風沈沈遠霧樹比當年老輭紅十里竝無一
半芳草聞道隔院箏絃當窗扇影驀地都停了不是重來

憑不信門外顰痕如埽小廟牆傾荒亭瓦碎牆有空煙繞一杯冷酒又添新恨多少

前調

再疊前韻

郵亭夜半甚荒雞迷亂悞催天曉欲撥銀釭重照影又恐燈花相笑釵燕將飛鈿蟬猶挂各抱芳愁老愁長愁短恰如門外春草 憶錦線年華香絲魂夢隨意消沈了底事月明風露下惆悵落紅難埽馬足塵埋車輪蓬轉頃刻雲山繞仰天細數殘星尚有多少

前調

過趙北口三疊前韻

水天無際只漁舟幾葉蕩搖昏曉十二橋邊千樹柳偷倚東

風低笑賣酒樓空吹簫市遠馬共征人老荒洲冷落有誰來
拾香草 往日蛇市城腰魚登屋脊萬竈都沈了麥隴幾番
黃又綠尚有沙痕未埽浪借風飛隄愁雨漲爭似清溪繞年
年春盡落花流過多少

前調

四疊前韻

一聲車鐸又念念離別曾無分曉如此百年都浪擲那值雲
仙一笑驛樹鴉聲河橋馬色斷送春人老試看前路夕陽紅
徧枯草 縱是懊惱聽歌淒涼買醉合把心情了儘有迢迢
星月夜幾見蛾眉輕埽殘夢吹煙新愁化水枉逐風花繞離
腸幾寸未知曲折多少

前調

將至涿州五疊前韻

非關惜別又非關感舊傷心誰曉認作世間兒女恨也被林
花冷笑殘夜呼尊高秋把劍淚灑西風老無端歸去無端又
踏燕草 記得日下層城煙中古塔五度經過了幾箇黃金
臺下客不把舍人門埽射虎山空釣魚磯冷夢裏千回繞蘆
溝橋畔馬蹄踰躡多少

誤佳期

人在紫蘭香逕兩面闌干對凭黛眉深淺不分明春夢如昏
鏡 未肯一回眞料是三生定落紅又比昨來深昨夜東風
緊

浪淘沙

花影蕩簾紋淡月殘春箇儂時候共誰論直到五更寒未了

今只黃昏 香冷莫重溫
畱伴愁魂幾家庭院閉
閉門芳草綠時心便死
休怨王孫

臺城路

題何書田秀才

其偉

簞山草堂圖

江南處處宜花竹 君家草堂尤好檻
側吹香簾邊滴翠更有溪煙縈抱
庭階淨埽向樵友漁兄較量詩稿
白鶴歸來一雙雙自臥芳草 人間
清福最少只編茅種樹奢願難了
野館呼雲荒臺弔月都是天涯歌
笑青山易老便插劍囊琴已輸
君早滿地江湖水長歸路杳

減蘭

題李白樓鷺湖並載圖

喁喁私語同到湖心花裏去
一瓣紅蓮化作尋香載酒船

明明秋水別有簫聲隨棹尾莫憶當時何處鴛鴦不並飛

御街行

題畫

小桃經雨新紅透小院裏春時候棗花簾下捲簾人報道爐
煙初瘦東風如剪夕陽門巷燕子歸來否天涯乞得丹青
手畫蛺蝶圍衫袖綠楊元是故鄉情縷縷絲絲依舊相思無
那竹西歌吹勸醉旗亭酒

浪淘沙

昨夜

昨夜立空廊月地流霜影兒一半是衣裳如此天寒如此瘦
怎不淒涼昨夜枕空牀霧閣吹香夢兒一半是釵光如此
相逢如此別怎不思量

鳳皇臺上憶吹簫

題張秋崖小照

明鏡非臺寂香爲國情禪最是難參但好花零落便比優曇
誰識青蓮世界任玉女來與同龜安心竟珠簾繡幙總是茆
股瑤簪莫問情長情短分明是自縛春蠶相思處燒殘絳燭
溼透青衫

金縷曲

雪如將還吳門有相待於半塘之約爲作此解送
之

且莫傷離別照同心江南江北一般明月此去洗妝梅花下
判取玉釵寒徹記那日酒闌曾說衣上珍珠千萬顆是三年

淚點迎風結因往事又嗚咽 遲迴心事今來決問相逢綠
楊門巷燕飛時節十里橫塘東流水比似情波千折更眼裏
一天冰雪多少吹簫紅粉伴看江頭打槳呼桃葉歌此曲重
淒切

南鄉子

題水南邨舍圖

何處水南邨綠是溪光白是雲飛過一雙閒翡翠柴門十里
桃花不見人 雙槳蕩吟魂來看揚州月二分冷雨寒風兼
小雪黃昏一樹梅花不算春

一剪梅

以下兩寅

題畫

隱隱高樓玉笛吹雪意垂垂風意淒淒孤山籬落悄寒時花

影微微人影依依 紙帳銅瓶點綴宜簾外敲棋檻外尋詩
更須添箇小吳姬朝對描眉暮對添衣

南鄉子

題杜宛蘭後簪花圖

花露溼雲翹鏡裏新妝筆底描煙粉百年香未散今朝又寫
崔徽上素綃 霧閣對星橋記撥鴟絃唱綠腰聞說雲英今
嫁了春宵舊院餘花只自飄

菩薩蠻

以下丁卯

簾櫳密密闌干亞多情啼鳥愁春謝東面好風來好花隨意
開 花開無落處卻向東風訴花意自模糊問花知也無

翠樓吟

吳珊珊女史名瓊仙字子佩吳江人歸徐山民待

詔達源

有寫韻樓詩草隕玉數年遺編未梓魂依

夢語倍愴河陽丁卯春遊廣陵出以相示爲譜此

闕以助神傷

字折釵痕香畱粉印一編斷腸遺稿年時眞燕婉儘酬唱月
秋花曉風輪飛攪把綺思飄殘詩魂吹倒簾櫳悄錦屏無恙
素琴僵了草草蕙死蘭枯似者般酸淚替彈多少傷心今
第一感郎處又兼才調瑤京人杳更野渡船孤離亭燈小蕪
城道獨吟誰和柳梢啼鳥

喝火令

初至雪如墓

冷草迷孤蝶新煙繚斷鴉送春舊路已天涯不道保安橋外
咫尺路猶差碧血紅心地黃泥紫玉家一行碑字隱殘霞

惜少周圍幾丈短籬笆又少幾竿斑竹幾樹白梅花

玲瓏四犯

三月十六日招同江夢占王載園鄒春田劉春農
史補堂仲仁黃厚庵楊輯亭余半池胡鶴泉周菊
隱并攜潘靜蘭蓉香愛芝三女郎泛舟山塘酌酒
雪如之墓

燕子話愁梨花飛夢荒郊寒食無主畫船簫管地往日辭家
處分將一杯豔土對青松幾家墳墓燭燭冰銷紙錢風散春
恨獨千古 汙汙綠波東注歎鍾情我輩癡甚兒女幾杯腸
斷酒化作冥冥雨兼勞女伴深深拜問何意相憐如許垂淚
語他時事憑誰記取

瀟湘夜雨

沈楚仙女史屬題美人葬花圖團扇

淚是明珠愁如香草被人比作湘君飛花時節斷腸人憐絕
豔深宵墮雨傷薄命荒徑鋤雲花知否儂非葬爾自葬前身
家家庭院落紅未埽都化輕塵更東風吹去落溷飄茵凭
畫檻忘歸繡閣拈翠帶斜跪湘裙垂楊外鶯來蛺蝶往多少可
憐春

高陽臺

五湖一角山房伯治浣華伉儷所居也巷曲門低
秋芳綯檻昨劉芙初過訪曾填此調今亦繼聲

綠漾琴絲紅侵繡譜一庭草草花花青粉牆邊藤苗織滿籬
芭評書讀畫人都倦有涼陰低繫窗紗小蓮娃簾裏添香簾
外分茶天青海碧人問世歎蓬心百轉柳路三叉鶴駕星

幘無端也到天涯年時載酒停橈客替文簫添箇鄰家且博沙去算征鴻住算棲鴉

探春

郭頻伽義女薛娟字月璘杭州人姿性豔穎年十七不尚字歿於越州頻伽爲返葬於孤山之側而銘其碣作春山埋玉圖屬題此闕

桂殿呼鸞梅梁滅燕冥冥天半輕霧淚泫紅冰肌消豔雪人掩西陵麝土誰惜明珠墮有他姓阿耶慈母孝娥江畔招魂冷花吹徧歸路多少秋墳無主算擇地埋香禁受颶雨鴛牒先燒雀屏空畫未要蕭郎諛墓寒食清明節任女伴桃天爭賦終更淒涼玉釵知葬何處

臨江仙

以下戊辰

題陳謙谷徵梅山館圖

一樹明珠千瓣玉夢中先有香來玲瓏壁月淡雲階枕邊飛
綠鳳恰似燕投懷不比梨花雲冷落玉妃還下瑤臺銖衣
輕拂水松牌倚窗含笑說要試謫仙才

摸魚兒

二月十三日與內子晚坐貸園池亭見小梅梢上
翡翠相語已飛入深樹暮色如煙遂不可見

戲蘭苕蠟波飛起雙棲原在珠樹炎洲料得巢難穩也自遠
離鄉土來復去恍惚似天孫織錦拋鸞杼紅飄翠舞漸桂葉
流煙松鍼刺月千里碧雲暮愁心遠憐爾多情伴侶如今
歸向何處池邊不設誇郎網花裏儘堪同住須聽取君不見
人問何物非羈旅珠簾繡戶更燕子尋梁鸚哥鎖架幽怨向

誰訴

惜紅衣

廿九日出潯墅關舟中野望曉雨絲絲遂作此闕
索胡鶴泉和之

野屋紅迷遙坡綠輾連城春色鼓引輕雷平江第三驛些些
曉夢剛和入煙中無迹淒瀝微雨乍收看吳山都碧 鵲湖
泛宅才算家鄉孤舟又江北東風細柳節候近寒食幸有故
人相伴共破一天愁寂念廣陵花事可似往年消息

臨江仙

雨後望惠山憶去歲四月初二與曾賓谷王鐵夫
金手山陶香泉諸君同遊山寺俯仰陳迹招悵何
已託詞以宣

樹隔低雲雲隔水，惠山已化濃煙。石龍垂首吐新泉，暗和侵
澗雨流，傷渡江船。記得停橈烹茗處，寺樓花韻晴天。午風
吹影竹爐前，羨魚遊綠沼，看螳上紅輶。

高陽臺

上巳京口渡江至揚子橋

石茁雲苗沙拖水蔓，蒜山遙對瓜洲。埵影如錐，何曾插住江
流。珠宮晃出金鰲背，仗風潮送過輕舟。算春遊揚子橋邊，楊
柳樓頭。踏青門草今朝事，記花驚倦眼，酒滑歌喉。舊夢無
痕，模糊說與閒鷗。絲絲冷雨才飄斷，看斜陽紅射邗溝。漾新
愁，扶柁吳娘猶唱吳謳。

惜餘春慢

揚州旅次雨中題壁

四扇窗關一鉤簾放雨氣滿天濃黑支頤寂坐豎膝橫眼閒
煞阮家雙屐對屋便有高樓簷溜空垂也無人迹但沈沈霧
裏濛濛花外數聲遙笛 饒盼到杏蕊烘雲楊枝挂月不是
往年春色聽鶯客散繫馬人狂處處畫闌敲側休問湖山豔
遊一片愁痕怎生禁得便飛來燕子到眼都非舊識

露華

方式亭同年將需次江右以金陵女史王德卿貞

儀

畫白桃花幘子屬題德卿習經史律歷之學兼

能詩二十餘歲歿式亭之表叔母也

玉真跨鳳歎現過優曇短似春夢自寫化身開作瑤池仙種
素妝怕浣脂痕只借碧雲輕捧風過處盈盈淡魂和景吹動
人間倍合珍重問綃粉臺香標韻誰共說說絳奴顏色空

迷溪洞寄心露井銀牀肯逐淚花紅湧潘令去河陽定須徧種

蕙蘭芳引

爲王曉勝題畫

春送水流水流處渡名桃葉看一舸搖風帆影半明半滅謝
他燕子偏畫檠替人迎接想碎紅逐浪正值江南三月柳
絮狂飛荷珠輕墮處處傷別更情種王郎還把豔歌再疊秦
淮東去路添幾折空斷腸煙外艣聲都歇

清平樂

題餘姚方雨林小照

萬山圍屋雲浸衣裳綠三尺枯桐橫瘦玉中有松風古曲
銀箏錦瑟多情年年和燕酬鶯今日逢君一笑亂花吹徧燕

城

西子妝

月轉鶯簾酒涼鵲杓背著銀釭私語綠楊門巷繡街東要同行送儂歸去蘭情半吐道深夜君歸何處路迢迢怕薄絲衣服難禁風露空延佇魄醉魂癡一霎愁無主怱怱絮別未分明聽譙門零鐘碎鼓前期易阻願斟酌香盟休誤被今番賺得相思更苦

點絳脣

題吳小軒竹月當窗夜讀書圖

竹屋書聲半窗夜色搖秋影未煩燈檠懸出天邊鏡映雪
然藜古意饒君領銀壺靜露涼幽徑青鳳眠都醒

高陽臺

題陶兒香客舫填詞圖

笛譜翻秋笳囊貯夜煙波一葉吳船雨雨風風篷窗點點聲
聲年年處處愁無那仗豪尖與破愁城又牽情東岸飛花西
岸啼鶯如今不載江湖酒已搖槎星漢浣筆蓬瀛笑問旁
人我詞何似香卿鱸鄉正有浮家客硯池中魚唼輕萍太癡
生怎爲填詞換了科名

西子妝

蝶冷空牆蟬瘖廢圃早是燕辭深巷傳來隱語忒丁寧似檐
鈴訴風淒響鴛樓怕訪記樓外簾波輕颺料如今是翠銷塵
積陋封絲網空凝想馬滑霜濃往日曾低唱盟心要待月
圓時奈三更半輪斜上情孤事往只秋扇團圓樂無恙更愁伊
也立斜陽悵悵

法曲獻仙音

題潘朗齋大令填詞圖

香露津豪豔雲蒸墨的是陳髯才調情剝蕉心夢銷桃曆年
年畫中人笑繡箔外瑤窗裏聲聲和啼鳥蜀岡道認河陽
種花園縣花放也閒筆又添詞稿解意一枝簫甚閒愁都替
吹了別自迴腸怕春風仍未分曉問靈均騷怨定有幾莖香
草

虞美人

頃見孫蔚堂作此調亦述一解繼之時戊辰十一
月初三日

愁天釀雪先零雨底是凭闌處酒杯歇後夜寒來鎖著愁城
此後爲誰開往年原是淒涼我心事猶差可莫憐新月似

蛾眉未到更深已是月斜時

壺中天

題月香畫蘭卽書其蘭言漫錄後爲贈

湘靈怨魄被冰絲彈斷飄歸何處別有芳根成絮果歲歲花
開無主露外零香風餘出態小影親描取贈珠捐珮漢皋重
見神女已分舊館雲虛閒窗紗破寂寞長如許誰意樓前
還繫馬聽誦當年題句銀甲調箏玉壺傾酒此段人多誤雕
奩粉鏡照伊獨自眉嫵

洞仙歌

書孫蔚堂紅橋漁倡後卽依原調率成三闕

星眸水盼認三生情種愁壓雙蛾翠痕重但寒簾送暝隔座
吹香須抵得十載揚州春夢情禪參不破買笑歸來脈脈

尊前淚波涌應是不關伊九曲迴腸被幾縷鬢絲牽動勸今後相逢莫相思算陌上閒遊柳迎花送

又

旗亭客散歎過來草草姊妹當年正年少記城隈水曲處處分明剛只有月魄花魂知道詞人偏惹恨十樣蠻牋續出瑤窗斷腸稿何用玉簫吹誦向渠儂敢賺得病魔顛倒縱未解鴛鴦怎生書也合裏香羅繡奩收好

又

霜淒午夜是分張時候風揭鶯簾凍殘酒問情長情短一味模糊爭知道拋盡江南紅豆休論鞋底綻帀月思量說著紅樓便回首香爐燭乾時各自背騰還歎息那人消瘦漫惆悵歸程阻層冰怕開盡黃梅繫船衰柳

南樓令

題張雪樵畫士女支頤獨坐几設酒果若有所期
瓶梅交枝媚映銀燭云仿仇十洲筆意

花影繡銅簾空房燭淚垂怪檀郎直恁癡迷曾指鏡兒通密
約應慙是月圓時倚戶看參旗當頭又轉西喚雛奴收了
雙卮儂到者番才會得再休與說相思

湘江紅

以下已已

劉智廟旅次有懷劉芙初庶常

夢繞春山驚坐起擁衾懷舊蘆簾外有情斜月似儂佳友醉
裏豪詞書旅壁愁來壯淚淋征裏是前番秣馬廣川時儂今
又紅土廟蹲銅獸青麥坂排金柳仗一行燈火夜光如畫
怨鐸搖風淒畫角狂塵作霧迷珠斗問西清日影上花磚人

醒否

過秦樓

題譚君農郎中得渡圖

蕙是蓮心香爲蘭性竝種紫微仙館編雲作筏瀉月成波游
戲碧羅天半浮世忒恁迷茫情海風翻愛河冰斷問因緣簿
子司花人注散花人管都羨煞少伯攜家堯章載酒蕩得
五湖春滿叅將鏡影悟徹爐煙只了雇花公案儂已扁舟廿
年繫柳津亭泛桃溪岸悵橫塘舊路一笑三生夢短

金縷曲

都門旅寄雨窗沈寂荅湯雨生法源崇效二寺同
看海棠之作

未起前窗暮是明明鐘殘夢斷奈無醒處算把今朝添昨夜

人說時辰近午漫悵惘前遊情緒蕭寺夕陽花滿眼再閒行
冷坐何曾許君不見者般雨遙憐陌上嬉春侶問恩恩紅
泥旋去馬可如紅土但望檐聲收漸瀝還出芭屨舊路任此
風淒淒雲楚計到江南拌醉煞棹金間聽打龍舟鼓梅熟也
合歸去

過秦樓

蓮花博士侍書岳綠春吳蘭雪姬人也能寫蘭余
旣數見之爲述此解卽題陸祁生所作碧桃記院
本後

紫襪風香翠翹雲晃映隣瓶花低亞搜從帳後拜近鞋尖笑
道酒徒顛也知是阿堵風魔和客褰簾向儂求畫便低呼小
玉分甌仙茗解伊醒罷曾見說聘卻千金緣慳雙壁遇了

玉郎才嫁情根慧苗性蕊慙開不枉鏡臺佳話多少詞人豔
傳曲譜宜春歌名子夜甚桃花兩朶換得蓮花侍者

南鄉子

再贈綠春

花有美人香樹影玲瓏畫粉牆道不解詩儂未信吟將佳句
分明似沈郎 笛譜按宮商此技兒家不擅場聽曲暗拋紅
豆記思量要發鶯喉賽曉簾首二語綠春句蘭雪云

臺城路

周春田扇上畫王吟香小影湯雨生筆也屬題此
闕

因緣不載鴛鴦牒又不算金蘭簿戲認梅兄喬呼月姊顛倒
生辰年譜青春暗度歎盡箇平催瑟絃空數燕領蛾眉鏡中

一樣怨遲暮 憑君漫提舊語那時歌吹歇原是羈旅醉送
銅車歸寧紙帳各自聽風聽雨勾魂盡取記偷看弓鞬賺伊
回顧巷曲垂楊問今無恙否

高陽臺

五月初三夜聞壁間蟋蟀

蛙鼓初喧鶯簧未溜模糊已似秋聲誰意王孫訴來忒煞分
明愁邊乍歇黃梅雨步空階忍更相驚太無情汝自悲吟那
管儂聽 移時便有西風響怕苔心冷徹草路吹醒才是難
堪如今算甚飄零寒蟬寂寞終無語但簷前鐵馬冬丁夜三
更秋也無多夢也難成

鬲溪梅令

題孫碧梧女史畫芙蓉楊柳應屠琴塢之屬

月痕霜信小樓西斷腸時聞道芙蓉如面柳如眉畫來剛是
伊綠疎紅冷兩三枝影離離歎息春風未解惜芳菲問秋
秋便知

念奴嬌

在平旅夜聽兩雛女彈琵琶聲態俱妙沈文起紀
以七律余亦次韻意有未盡復成此闕

短長亭子歎年來年去冷春炎夏鐸舌才瘖窗眼黑銀燭條
條空炮引夢無香揮愁失劍付與么絃寫笑呼殘月此時應
算良夜可奈碧玉垂髫青娥秀靨欲換無名馬絮果易成
花命薄只恐東風難嫁燕壘紅乾鶯簧金溜怎入仙蟲社迷
茫塵劫鳴兒也莫輕打

洞仙歌

汝上旅次聽雨不寐呈文起及朱苾園

雲生月死釀瀟瀟梅雨燈影幢幢照愁侶縱饒伊徹夜簫喚
笙清禁不得漣浙簷鈴淒語亂愁千萬點來自愁臺願託
回風帶愁去忽又憶江南枕簟逡巡魂和夢把愁畱住待聽
過黃河水濺濺使側耳青篷棹歌津鼓

長亭怨慢

二首

偶閱許彥周詩話錄司馬池行色詩一絕云冷於
陂水淡於秋遠陌初窮見渡頭賴得丹青無畫處
畫成應遣一生愁余川陸備經諳觀斯境振胸挂
臆演以二詞

怪車馬怱怱何事驛館迴燈夢殘天際似霧非煙霎時消入
曙光裏陌頭塵矮才辨得山和水斜照一鞭紅又閃出暮愁

千里行矣便旌旗照野也自眼昏神醉鴉邊雁外況琴劍
淒涼如此漫說到塞月邊沙只排遣風花無計賸一片離痕
尋取酒家澆洗

聽津鼓通通敲罷柳翠濃顰紅紛灑恰似離容水痕煙影
替描寫斷霞飛鳥斜趁著孤帆挂遠浦忒冥濛漸點點輕舟
搖下行也歎平生一舸閱盡雨晨霜夜江湖萬里有多少
銷魂圖畫最無奈殘月窺篷望沙岸平連空野認故國迷茫
雲樹重重相亞

月下笛

秋陰

宋玉騷心潘郎賦手自來愁歎西風不管把羅雲更吹亂庭
梧鎖被低空壓看葉落蒼苔漸滿驟天涼如水霉生葛幙潤

洞仙歌

王春波畫斜倚薰籠圖陳曼生屬題此闕

蘭釭碎茁。照秋波愁凝。綺壁朦朧鬢花影。漸沈煙綠散。艷炭紅微禁不起。夜久天寒人靜。腰肢如此弱。底事眠遲爲怯。鴛文繡衾冷。小夢恰淒迷玉漏丁丁。連窗外鸚哥都醒。更有箇愁人在天涯。正月苦霜。辛枕囊斜凭。

斷水詞卷三

臨川 樂 鈞 元淑

一萼紅

以下辛未

汪劍潭金手山凌芝泉鄭柿里諸君篠園看芍藥
校書鳳珠佐觴焉各製此調三闋僕頃自都還邗
上依數繼聲局外環中別有深感時辛未七月也
乍歸來怪珊朧萬朶偏又背儂閒瘦借雲肥慙支玉怯年時
忒惹風懷問容華如今似否怕重遊難認舊亭臺寂寞窗櫺
淒涼院落潦倒裙釵 羨煞同舟仙侶更收香梨瓊綴豔松
脾軟語牽愁閒情攪夢送春猶勝天涯試回首豐臺花事但
模糊風雨雜塵埃昨夜秋聲已到吹冷莓苔

又

太無聊負青春十載杜牧鬢絲飄水色疑伊煙痕似我到眼
都是紅橋有多少花謠柳識算將離名字最魂消梅雨零邊
麥天寒處各自今朝莫道湖心路近只船頭船尾便已迢
迢扇掩香空絃凝響絕酒醒何處停機歎從前天紅斜紫被
封姨收付廣陵潮賸了江南詞客重話燈宵

又

倚危闌看疎枝倦蕊未放已闌珊鴛戶銷金蝶席飄粉燕子
都辦西還任十二紅樓傾倒有誰來圖畫冷湖山新笑剛逢
古哀旋趁賺破情闌九十春光過了道此花能殿依舊周
殘寒草低黃陵松慘翠一例催老朱顏且休說蕭郎謝女便
花神如夢住人間拌把珠愁玉怨此後全刪

解連環

驟涼

夢醒偏醒訝單衾翠薄暗帷香靜待曉來起看庭花便紅紫
慙恁情如新病昨夜今朝陡收盡一天炎景試重臨水閣半
面涼風舊檻愁凭沈沈滯雲似暝又高梧脆葉飄墮金井
記夕陽斜帶廊腰任橫似桃笙汗珠猶迸恁地難禁料不到
者般淒冷笑秋人正如倦蝶避眉扇影

三姝媚

秋陰釀雨庭卉潛然問湖上蕩花盡矣賞會無端
詞以遣意

淒風連夜響料芙蓉吹殘水雲空蕩鷺冷鴛寒向敗荷深處
暫時偎傍待覓纖鱗早收在漁竿漁網縱有垂楊難繫遊蹤
怎停歌舫只算金焦無恙又墮影江心和潮來往細雨乾

時把舊愁千縷寄還天上草草庭花更何事爲伊惆悵正似
南樓秋夢迷離半晌

春從天上來

鏡聽

前寒第三集作

竈馬馳煙正祀過黃羊守歲無眠更攜明鏡私卜新年鏡兒
待照誰邊仗鏡神潛引和司命杓柄迴旋報儂知是鄰家吉
語燈下遙傳常時晚妝樓上鎖悄對菱花自惜嬋娟有限
情懷無多消息只願似鏡長圓問玉郎歸否記淡夜頻斲金
錢總茫然料者回佳識靈似神仙

永遇樂

以下千山

木瓜

前寒第四集作

氣息吹蘭衣裳寶笏香色都妙帶露黏花和金甃繡更數宣

州好移根時候最宜秋社熟比錦橙還早試漸入桃花譜裏
風味又添多少佳人投贈幾回珍重可是瑤琨能報羽帳
淡藏銅槃小供伴得千花老漬將紅粉勻來素面遮卻睡痕
如埽只無那心酸意楚怕伊未曉

玉京謠

落燈風

清寒弟五集作

十里星橋路閉盡珠簾寂寞魚龍夜怪煞封姨都將銀燭吹
她但半規明月多情又不奈行雲如馬誰遊冶香車影絕瓊
簫聲啞春宵欲買真無價兩方歇早上元過也閃爍殘釭
時時窗眼輕射了不是花信相催已斷送盆梅飄灑聽來乍
譙鼓暗中遙打

採芳信

宣德銅瓶

映窗牖認翠潏苔花斑凝土鏤是勝朝形製宣德字淡鏤移
芳占景知何限水暈今猶透伴蕭齋紙帳燈斜誰爐香瘦
閒器自長久勝漢殿金仙晉宮銅獸中有花魂曾見靜慈否
靜慈仙師宣
宗廢后也景陵往事如煙月一笑休回首幾枝春尚算當
年舊友

門百草

門草

消寒第七集作

拾翠相逢踏青乍見花間路鬢摘珠翹腕除金釧閒把好春
戲賭繞芳叢似蝶趁蘭皋鶯捎葯圃任壓繡鞵鬆揉藍裏褪
汗凝香露猶記秋千樓外雙陸窗邊都是兒時尋伴處了
髻才梳小眉初畫較輸贏嬌嗔笑舞尋常慣時節何曾待端

午莫孤負便嬉遊也難再補

如夢令

題夏慈仲桃花春水渡江圖

夾岸天紅萬樹都被綠楊風妬流過錦帆湮便是西施葬處
春暮春暮別有秦淮古渡

一萼紅

春夜聽雨和慈仲作前夕夢泛紅船仰見江月蘊
然以覺竹雨正喧爰并述之時客真州

蕩蘭橈正江天闊處和月看金焦樓鼓催歸瑤鈴傷別夢醒
身世迢遙只闌珊幾竿窗竹甚風葉吟得太蕭蕭水氣成煙
梅魂隔霧已近花朝 有客夜深剪燭把新愁細譜舊恨重
挑野店雞聲荒簷雁語捱過多少今宵歎華年空如錦綺被

春風剪作幾千條。近日心腸都死，那有魂消。

木蘭花慢

木筆花

春游第一集作

是何人夢裏將彩筆向空投。恁紫蘤霞濃香濡露飽翠埽煙流梢頭自開自落替羣花先寫一春愁。不似青蘆細削無情描畫荒洲。知不一束豔豪柔都費錦心抽歎江郎才盡青蓮老去巨管誰收。凝眸暮天霽色似雲藍題句傷高樓入夜三星帶月更看心字斜鉤。

減蘭二首

爲屠怡泉題汪素珍簪花圖

幽花媚鬢蛺蝶潛遁花氣引倚翠樓頭。宛宛吳江蕩遠愁同心密約月下雙雙人影薄。月要重圓還要常娥待五年。

送郎何處丁卯橋邊千疊樹杜牧歸遲綠葉成陰子滿枝
往情猶記偷看新妝明鏡裏記不曾真今日崔徽卷裏人

琵琶仙

春紅已暗夏綠方濃觴咏相尋互爲主客竹溪蓮
社去今不遠也穀人祭酒紀以一闋乃依調繼聲
焉消夏第一集作

年去年來把多少酒社詩盟耽閣端爲何事慙忙良辰恁拋
卻人漸老愁添笑減問當日可曾知覺剪月無光攔春不住
情味蕭索 幸贏得身似閒雲伴仙客狂吟更清酌庭下碧
桃開盡換瓶中紅葯休再憶華年舊侶但眼前已判今昨此
後鴻雨鴉天漫忘佳約

一萼紅

送手山隨許秋巖漕帥入都

望長安記荒城古驛人嬾路漫漫雞柵連牀馬通炊黍馱鈴
催上征鞍笑年來囊琴匣劍任佳節無處可凭闌酒熟梨花
樓香菰葉客味辛酸今日翩翩書記有雲隨畫舫風轉旌
竿放闌伸眉推篷縱眼領畧前度關山且休憶隋隄柳色算
歸期猶趁菊天寒定有紀行新句先寄儂看

點絳脣

陳季淳屬題帳額

似霧疑煙一簾花影搖殘醉簾紋如水鶴醒人初睡
月又成波蕩入瑤窗裏微風起鳴爐香細閃閃銀缸碎

買陂塘

盆荷

清夏第二集作

釀微波綠雲低舞日長庭院風細江妃半褪生塵襪步近短
闌斜倚妝乍洗任錯落明珠迸入苔痕碎屏山鏡裏看榴燄
輕然蕉旗亂颭遙影淡相媚玲瓏手偶惜盆池小試露盤
擎出纖指香中未許蘭橈泛容得錦鱗遊戲憑解佩渾不用
柔情脈脈愁煙水閒情又起問北渚秋寒南塘月曉幽恨向
誰寄

湘月

馬湘蘭蘭竹

清夏第三集作

南朝金粉和暎雲涼露豪端揮灑冶葉柔梢無限態小照玉
娥能寫燕尾拖香鸞翎舞翠影落丁簾下青溪明月一時流
照歌榭原是楚畹娟魂湘濱秀骨小謫紅樓者當日千金
酬一笑換得冰綃無價佩結芬芳金搖瑣碎想見房櫳雅卷

中標韻算伊親自描畫

眉嫵

柳如是小像

訝烏巾籠鬢翠帔垂肩依約露紅袖怪底人如玉倚枯楊當年偏嫁蒙叟自家姓柳肯再教飛絮依舊論青眼本屬雲間客問夫婿知否何處邨名紅豆歎絳雲樓燼榮木樓朽明月空無恙梅梁下嬌魂應更回首咏花對酒占幾多良夜清晝看圖畫朝雲還值得買絲綃

石湖仙

壽吳穀人祭酒

香山詩老是騎鶴仙人飛下蓬島風月滿西湖早收歸吟興賦草鑿坡簪筆記灑過墨花多少長嘯指舊林數點歸鳥

并江十年聽雨和羣賢金尊共倒一座詞壇幾許星辰環照
紫桂初香碧荷猶裊倚花談笑秋雨小新涼正爽懷抱

滿庭芳

詠海桐

翡翠環洲珊瑚臂網南方草木都奇分來海樹銀幹碧瑤枝
幻出纖纖妙手遮明月弄影清池花如雪丁香褪盡素豔尚
依稀高梧空百尺琴材易老鳳羽難期但西風幾日玉井
黃飛爭似冬心自保涼消息未許秋知羣芳裏煙濃露淡青
過歲寒時

玲瓏四犯

以下癸酉

綠勝

才到新年訝五色羅雲飄墮金剪草草花花擎出社前輕燕

先看貼上屏風更插近翠翹珠鈿喚侍兒送與鄰家春色一時分遍
婉姸初戴誰曾見早傳來漢宮唐殿坡仙也有簪花興頭上銀燭高頭剛只幾縷紅絲數得韶華嬌軟問台歡名字相贈答情淡淺

東風齊著力

花朝

雲粉輕彈煙絲柔曼泥煞晴光花魂十萬隱躍下瑤房怪底東風狡獪多時候孕玉胎香簾櫳外鶯喉漸滑蝶隊都慙聽說杜秋娘金縷曲勸人早早尋芳紅嬌翠軟作意媚韶陽莫道今朝最好還悽斷幾箇冬郎青幡下金鈴絮語一味郎常

一萼紅

二月望日雪中探梅

冶遊時甚龍公試手重遣玉花飛竹色平沈苔痕半掩蕊宮
深鎖葳蕤了不是羅浮夢裏淡妝人含笑隔簾窺金眼仙蟲
綠毛么鳳何處雙棲料得故園春暝漸榆錢疊疊柳線垂
垂水國寒多風亭信晚素顏才點燕支又喚起鄉愁一片認
常年殘醉遠疎籬只少有情霜月伴影樓西

暗香

紅心草

紫蘭銷歇賸冷紅碎吐和煙淒絕麝土半堆原是前朝葬花
人愁煞枝頭杜宇訴春恨年年啼血總沁入九地情根千載
寸心苗釵折古離別似舊日唾壺淚痕凝結夕陽照徹秋
蓼寒楓共明滅猶認殘脂數點遙灑向吳王宮闕問故國今

在否斷蛩忍說

法曲獻仙音

桃花庵看牡丹預爲廖復堂都轉壽同人各賦一闕以當侑觴因有此作

屏綴流蘇佩翻雕玉照耀人間金紫瓊島移根寶闌遮影層
層露光霞氣草木狀憑題品風華定誰比使君喜把芳尊
對花微笑明月下今夕與花同醉月色滿湖天映華燈紅透
煙水願借觥船泛天香爲壽花裏羨琅瓠挂日更簇滿庭蘭
桂

瑤花

題鄒荊莊二分明月圖

無雙亭畔第一樓邊占許多明月霓裳低按三五夜認得常

娥親切牙籌賭酒柰眉語難分癡點算只有骰子玲瓏入骨
相思能說 娉婷猶傷垂楊問往日花枝今被誰折情因情
果空對著畫裏朝雲傷別青天碧海杳隔斷廣寒宮闕怪怎
生不早商量鑄錯料應無鐵

憶舊遊

以下甲戌

北郭外觀菜花

望平原蹙繡野水拖藍襯出嬌黃借得鶯雛色趁隋家柳嫩
向媚春陽細聽幾梭風過渾似故園香記側傍瓜疇斜連麥
隴一種芬芳 迷茫竹西路鎮一片金沙布地輝煌莫訝花
容淡是煙苗雨甲飽染清霜雅宜餉婦簪髻點綴儉梳妝甚
秀色堪餐穠桃豔李空路旁

夢橫塘

燕來

漢釵曾化楚石猶翔海天搖蕩空綠亂剪游絲更萬點飛花
平蹴朱雀橋邊綠楊城畔去來差熟趁新收社雨處處尋巢
珠簾捲盧家屋 非因舊壘重來甚紅絲一縷久繫雙足總
是他鄉都莫論草堂金谷但休向吳宮小住幕地焚窠傷誰
宿畫棟泥融且停春影讓鶯遷喬木